

## 重阳节诗句有哪些

1.  
是菊花开日，当君乘兴秋。风前孟嘉帽，月下庾公楼。酒解留征客，歌能破别愁。醉归无以赠，只奉万年酬。——独孤及《九月九日李苏州东楼宴》
2.  
上客南台至，重阳此会文。菊芳寒露洗，杯翠夕阳曛。务简人同醉，溪闲鸟自群。府中官最小，唯有孟参军。——严维《九日陪崔郎中北山宴》
3.  
中原方万里，明日是重阳。桑枣人家近，蓬蒿客路长。引弓虚射雁，失马为寻羊。见说今年旱，青青麦又秧。——文天祥《中原》
4.  
老人谙尽人间苦。近来恰似心头悟。九九是重阳。重阳菊散芳。出门何处去。对面谁相语。枕臂卧南窗。铜炉柏子香。——朱敦儒《菩萨蛮》
5.  
强插黄花三两枝，还图一醉浸愁眉。半床斜月醉醒后，惆怅多于未醉时。——郑谷《重阳夜旅怀》
6.  
故人具鸡黍，邀我至田家。绿树村边合，青山郭外斜。开轩面场圃，把酒话桑麻。待到重阳日，还来就菊花。——孟浩然《过故人庄》
7.  
何必龙山好，南亭赏不暌。清规陈侯事，雅兴谢公题。入座青峰近，当

轩远树齐。仙家自有月，莫叹夕阳西。——朱湾《重阳日陪韦卿宴》

8.  
白发怕寒梳更懒，黄花晴日照初开。篱头应是蝶相报，已被邻家携酒来。  
——司空图《重阳四首之四》

9.  
去日重阳后，前程菊正芳。行车辗秋岳，落叶坠寒霜。云入汉天白，风高碛色黄。蒲轮待恐晚，求荐向诸方。——贾岛《送友人如边》

10.  
不负东篱约，携尊过草堂。远天连树杪，高月薄衣裳。握手经年别，惊心九日霜。诸君才绝世，独步许谁强。——妙信《九日酬诸子》

11.  
一岁重阳至，羁游在异乡。登高思旧友，满目是穷荒。草际飞云片，天涯落雁行。故山篱畔菊，今日为谁黄。——朱庆馀《旅中过重阳》

12.  
九月九日望乡台，他席他乡送客杯。人情已厌南中苦，鸿雁那从北地来。  
——王勃《蜀中九日/九日登高》

13.  
晚岁登门最不才，萧萧华发映金罍。不堪丞相延东阁，闲伴诸儒老曲台。  
——苏洵《九日和韩魏公》

14.  
心逐南云逝，形随北雁来。故乡篱下菊，今日几花开？——江总《于长安还扬州九月九日行薇山亭赋韵》

15.  
逆旅重阳节，穷秋万里身。金英浮酒盏，珠泪湿衣巾。为客飘蓬远，思家落叶频。祇应蝴蝶梦，夜夜得相亲。——杨亿《重阳日忆远》

16.

檐前减燕菊添芳，燕尽庭前菊又荒。老大比他年少少，每逢佳节更悲凉。  
。——司空图《重阳四首》

17.

蓊庭萧瑟故人稀，何处登高且送归。今日暂同芳菊酒，明朝应作断蓬飞。  
。——王之涣《九日送别》

18.

青娥懒唱无衣换，黄菊新开乞酒难。长有长亭惆怅事，隔河更得对凭栏。  
。——司空图《重阳四首》

19.

九日黄花酒，登高会昔闻。霜威逐亚相，杀气傍中军。横笛惊征雁，娇  
歌落塞云。边头幸无事，醉舞荷吾君。——岑参《奉陪封大夫九日登高  
》

20.

重阳初启节，无射正飞灰。寂寞风蝉至，连翩霜雁来。山棠红叶下，岸  
菊紫花开。今日桓公座，多愧孟嘉才。——阴行先《和张燕公湘中九日  
登高》

21.

九月九日望遥空，秋水秋天生夕风。寒雁一向南去远，游人几度菊花丛  
。——邵大震《九日登玄武山旅眺》

22.

摘得菊花携得酒，绕村骑马思悠悠。下邳田地平如掌，何处登高望梓州  
？——白居易《九日寄行简》

23.

病无佳思只深藏，漫绕东篱菊未黄。最是一年秋好处，可能无酒过重阳  
。——吕本中《己未重阳》

24.

重阳今日是，风雨满空城。白发殊无赖，黄花似有情。山寒孤树老，江净众鸥明。且愿烽尘息，讴歌乐太平。——王冕《漫兴·十七》

25.

重阳阻雨独衔杯，移得山家菊未开。犹胜登高闲望断，孤烟残照马嘶回。——司空图《重阳阻雨》

26.

小洞烟霞国，重阳风雨秋。欧公嵩岳步，朱子武夷舟。香火真吾职，觥筹且此游。龙山马台事，糠粃旧王侯。——文天祥《游集灵观》

27.

无端风雨送清秋。天气冷飕飕。行人先自离索，直是不禁愁。思往事，忆前游。泪难收。重阳近也，黄花依旧，谁伴清瓯。——卢炳《诉衷情》

28.

二九即重阳，天清野菊黄。近来逢此日，多是在他乡。晚色霞千片，秋声雁一行。不能高处望，恐断老人肠。——令狐楚，《九日言怀》

29.

何事又作南来，看重阳药市，元夕灯山？花时万人乐处，欹帽垂鞭。——陆游《汉宫春·初自南郑来成都作》

30.

三载重阳菊，开时不在家。何期今日酒，忽对故园花。野旷云连树，天寒雁聚沙。登临无限意，何处望京华。——文森《九日》

31.

满庭黄菊篱边拆，两朵芙蓉镜里开。落帽台前风雨阻，不知何处醉金杯。——鱼玄机《重阳阻雨》

32.

霞景青山上，谁知此胜游。龙沙传往事，菊酒对今秋。步石随云起，题诗向水流。忘归更有处，松下片云幽。——钱起《九日登玉山》

33.

心逐南云逝，形随北雁来。故乡篱下菊，今日几花开。——江总《于长安归还扬州九月九日行薇》

34.

落帽台边菊半黄，行人惆怅对重阳。荆州一见桓宣武，为趁悲秋入帝乡。——李群玉《重阳日上渚宫杨尚书》

35.

蟋蟀期归晚，茱萸节候新。降霜青女月，送酒白衣人。高兴要长寿，卑栖隔近臣。龙沙即此地，旧俗坐为邻。——杜审言《重九日宴江阴》

36.

无限青山行已尽，回看忽觉远离家。逢高欲饮重阳酒，山菊今朝未有花。——张籍《重阳日至峡道》

37.

老去登临兴未删，便乘小艇放溪湾。高原水浅苗初出，密树霜浓叶渐斑。——施何牧《九日放舟山塘》

38.

初九未成旬，重阳即此晨。登高闻古事，载酒访幽人。落帽恣欢饮，授衣同试新。茱萸正可佩，折取寄情亲。——孟浩然《九日得新字》

39.

满园花菊郁金黄，中有孤丛色似霜。还似今朝歌酒席，白头翁入少年场。——白居易《重阳席上赋白菊》

40.

西风几弄冰肌彻，玲珑晶枕愁双设。时节是重阳，菊花牵恨长。鱼书经岁绝，烛泪流残月。梦也不分明，远山云乱横。——徐灿《菩萨蛮·秋

闰》

41.

二九即重阳，天清野菊黄。近来逢此日，多是在他乡。晚色霞千片，秋声雁一行。不能高处望，恐断老人肠。——令狐楚《九日言怀》

42.

雨寒莫待菊花催，须怕晴空暖并开。开却一枝开却尽，且随幽蝶更徘徊。——司空图《重阳四首》

43.

少逢重九事豪华，南陌雕鞍拥钿车。今日蜀州生白发，瓦炉独试雾中茶。——陆游《九日试雾中僧所赠茶》

44.

楚万重阳日，群公赏宴来。共乘休沐暇，同醉菊花杯。逸思高秋发，欢情落景催。国人咸寡和，遥愧洛阳才。——孟浩然《和贾主簿弁九日登岷山》

45.

异国逢佳节，凭高独若吟。一杯今日醉，万里故园心。水馆红兰合，山城紫菊深。白衣虽不至，鸥鸟自相寻。——韦庄《婺州水馆重阳日作》

46.

野人迷节候，端坐隔尘埃。忽见黄花吐，方知素节回。映岩千段发，临浦万株开。香气徒盈把，无人送酒来。——王绩《九月九日赠崔使君善为》

47.

节过重阳菊委尘，江边病起杖扶身。不知此日龙山会，谁是风流落帽人。——赵嘏《重阳日寄韦舍人》

48.

重阳今日是，客邸忽凄怆。树叶惊风堕，稀衣袭雨凉。黄花衔古色，丹

桂发天香。珍重东屯社，携尊过草堂。——王冕《重阳》

49.

欲强登高无力去，篱边黄菊为谁开。共知不是浔阳郡，那得王弘送酒来。  
——李嘉佑《答泉州薛播使君重阳日赠酒》

50.

风雨吴江冷，云天故国赊。扶头呼白酒，揩眼认黄花。客梦蛩声歇，边心雁字斜。明年又何处，高树莫啼鸦。——陈与义《九日家中》

51.

九月九日眺山川，归心归望积风烟。他乡共酌金花酒，万里同悲鸿雁天。  
——卢照邻《九月九日玄武山旅眺》

52.

晴景应重阳，高台怆远乡。水澄千室倒，雾卷四山长。受节人逾老，惊寒菊半黄。席前愁此别，未别已沾裳。——李嘉祐《九日送人》

53.

雨阻龙山会，云荒戏马台。且看黄菊放，休待白衣来。事业书千卷，功名水一杯。登临聊复尔，吟啸漫徘徊。——王冕《漫兴十八》

54.

天涯重九。独对黄花酒。醉拈黄花和泪嗅。忆得去年携手。去年同醉流霞。醉中折尽黄花。还是黄花时候，去年人在天涯。——石孝友《清平乐》

55.

久雨重阳后，清寒小雪前。拾薪椎髻仆，卖菜掘头船。薄米全家粥，空床故物毡。身犹付一畝，名字更须传？——陆游《初寒》

56.

秋树风高，可怜憔悴门前柳。白衣去后。闲却持杯手。一笑相逢，落帽年时友。群知否。南山如旧。人比黄花瘦。——李俊明《点绛唇·重阳》

》

57.

酿黍长添不尽杯，只忧花尽客空回。垂杨且为晴遮日，留遇重阳即放开。  
——司空图《力疾马上走笔》

58.

重阳未见一枝菊，它日菊开生我愁。高兴亭中香满把，令人北望忆梁州。  
——陆游《重九无菊有感》

59.

箫声咽，秦娥梦断秦楼月。秦楼月，年年柳色，灞陵伤别。乐游原上清秋节，  
咸阳古道音尘绝。音尘绝，西风残照，汉家陵阙。——李白《忆秦娥》

60.

白发怕寒梳更懒，黄花晴日照初开。篱头应是蝶相报，已被邻家携酒来。  
——司空图《重阳四首》

61.

题红叶清流御沟，赏黄花人醉歌楼。天长雁影稀，月落山容瘦，冷清清暮秋时候。  
衰柳寒蝉一片愁，谁肯教白衣送酒？——卢挚《沉醉东风·重九》

62.

珠桧丝杉冷欲霜。山城歌舞助凄凉。且餐山色饮湖光。共挽朱幡留半日，  
强揉青蕊作重阳。不知明日为谁黄。——苏轼《浣溪沙》

63.

天高风劲尘寰静，佳节重阳。叶下潇湘。碧海晴空一陈霜。安排弦管倾芳酝，  
报答秋光。昼短歌长。红烛黄花夜未央。——朱敦儒《采桑子》

64.

九月重阳菊未开，十月小春梅又来。赏过日长添一线，一瓶菊伴一瓶梅

。——方回《重阳后绝句》

65.

琅琅新雨洗湖天，小景六桥边。西风泼眼山如画，有黄花休恨无钱。细看茱萸一笑，诗翁健似常年。——张可久《风入松·九日》

66.

平林广野骑台荒，山寺鸣钟报夕阳。人事自生今日意，寒花只作去年香。——陈师道《次韵李节推九日登南山》

67.

湖平风稳送归航，望隔严滩七里长。更上高峰尽高处，黄花新酒醉重阳。——赵抃《和范都官行后九日奉寄》

68.

不见白衣来送酒，但令黄菊自开花。愁看日晚良辰过，步步行寻陶令家。——皇甫冉《重阳日酬李观》

69.

江边枫落菊花黄，少长登高一望乡。九日陶家虽载酒，三年楚客已沾裳。——崔国辅《九月九日》

70.

秋晚兼旬雨，雨晴当有霜。颇思游近县，亦已戒轻装。珍薰披绵美，寒醅拨雪香。菊花常岁有，所喜及重阳。——陆游《秋雨》

71.

戏马佳辰菊未黄，有人惆怅独持觞。心知不作匆匆意，故欲凌寒报早霜。——宋祁《重阳不见菊》

72.

满城风雨近重阳，城脚谁家菊自黄。又是江南离别处，烟寒吹雁不成行。——方岳《有九日道中凄然忆潘邠老句》

73.

黄花丛畔绿尊前，犹有些些旧管弦。偶遇闰秋重九日，东篱独酌一陶然。自从九月持斋戒，不醉重阳十五年。——白居易《闰九月九日独饮》

74.

独在异乡为异客，每逢佳节倍思亲。遥知兄弟登高处，遍插茱萸少一人。——王维《九月九日忆山东兄弟》

75.

病酒坚辞绮席春，菊花空伴水边身。由来举止非闲雅，不是龙山落帽人。——赵嘏《重阳日即事》

76.

九月九日眺山川，归心归望积风烟。他乡共酌金花酒，万里同悲鸿雁天。——卢照邻《九月九日登玄武山》

77.

秋声咽塞笳，边气肃霜华。九日登高处，群山入望赊。苍蒹仍碧水，绿酒对黄花。鸿鹄归何处，长天空落霞。——赵时春《原州九日》

78.

初服栖穷巷，重阳忆旧游。门闲谢病日，心醉授衣秋。酒尽寒花笑，庭空暝雀愁。今朝落帽客，几处管弦留。——钱起《九日闲居寄登高数子》

79.

消息谁传到拒霜？两行斜雁碧天长，晚秋风景倍凄凉。银蒜押帘人寂寂，玉钗敲烛信茫茫。黄花开也近重阳。——纳兰性德《浣溪沙》

本文链接：<https://duanjuziku.com/duanjuzi/da6e7yy35t.html>